

Odluke utvrđuje se naknada za ishranu u toku rada (topli obrok) **za mjesec OKTOBAR 2019. godine** u iznosu od **9,00 KM** po jednom radnom danu.

Član 3.

Ova odluka stupa na snagu danom objavljivanja na oglasnoj tabli Bosansko-podrinjskog kantona Goražde, a naknadno će se objaviti u „Službenim novinama Bosansko-podrinjskog kantona Goražde“.

Broj:03-14-1588/19
29.10.2019.godine

P R E M I J E R
Aida Obuća,s.r.

G o r a ž d e

744

Na osnovu članova 23. i 24. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“ broj 08/15), Vlada Bosansko-podrinjskog kantona Goražde, na 23. redovnoj sjednici, održanoj dana 29.10.2019.g., **d o n o s i:**

O D L U K U O REGISTRU IMENOVANIH LICA U BOSANSKO-PODRINJSKOM KANTONU GORAŽDE

Član 1. (Predmet regulisanja)

- (1) Ovom se Odlukom propisuje način vođenja Registra imenovanih lica u Bosansko-podrinjskom kantonu Goražde (u daljem tekstu: Registar), obaveza unosa podataka, obim i mjera obrade podataka, vremenski period obrade podataka, odgovornost za autentičnost i tačnost podataka, rokovi unosa i brisanja podataka i uređuju druga pitanja koja se odnose na

Registar.

Član 2. (Primjena Odluke)

- (1) Ovu Odluku dužni su primjenjivati svi organi uprave i službe, javne institucije na nivou Bosansko-podrinjskog kantona Goražde, koje se finansiraju iz Budžeta Bosansko-podrinjskog kantona Goražde, institucije nad čijim radom ministarstva vrše nadzor, javna preduzeća, javne ustanove, fondovi, zavodi, čiji je osnivač Bosansko-podrinjski kanton Goražde (u daljem tekstu: institucije).
- (2) U Registar se evidentiraju podaci predviđeni Odlukom o Registru imenovanih lica u Bosansko-podrinjskom kantonu Goražde (u daljem tekstu: Odluka) o imenovanim licima koja obavljaju sljedeće javne funkcije u institucijama iz stava (1) ovog člana i to:
 - a) direktor, izvršni direktor, zamjenik direktora i druga lica koja su na osnovu zakona, osnivačkog akta i drugog pravnog propisa ovlaštena za predstavljanje i zastupanje institucije,
 - b) predsjednik i članovi skupština, upravnih i nadzornih odbora, odbora za reviziju, školskih odbora,
 - c) predsjednik i članovi komisija, savjeta i drugih imenovanih radnih tijela u institucijama iz stava (1) ovog člana i radnih tijela koja obrazuje Vlada Bosansko-podrinjskog kantona Goražde.

Član 3. (Svrha uspostavljanja Registra)

- (1) Registar iz člana 1. ove Odluke, služi

kao jedinstvena evidencija podataka o imenovanim licima u institucijama iz člana 2. ove Odluke koja obnašaju javne funkcije u Bosansko-podrinjskom kantonu Goražde, a u svrhu prevencije mogućih pojava sukoba interesa.

Član 4. (Vođenje Registra)

- (1) Ministarstvo za pravosuđe, upravu i radne odnose Bosansko-podrinjskog kantona Goražde (u daljem tekstu: Ministarstvo) je uz podršku Tijela za sprečavanje i borbu protiv korupcije Vlade Bosansko-podrinjskog kantona Goražde nadležno za vođenje Registra, na osnovu podataka o imenovanim licima koje mu dostave institucije iz člana 2. ove Odluke.
- (2) Institucije iz člana 2. ove Odluke dostavljaju podatke o imenovanim licima Ministarstvu radi unosa u Registar, do uspostave neposrednog načina unosa podataka o imenovanim licima od strane institucija u kojima je izvršeno imenovanje putem ovlaštenih osoba.
- (3) Upravljanje Registrom, praćenje rokova za dostavu i brisanje podataka, reagovanje prema institucijama u slučaju nepoštivanja ove Odluke u bilo kom segmentu, u nadležnosti je Ministarstva i Tijela za sprečavanje i borbu protiv korupcije Vlade Bosansko-podrinjskog kantona Goražde.

Član 5. (Sadržaj Registra)

- (1) Sve institucije iz člana 2. Odluke dostavljaju Ministarstvu radi unosa (evidentiranja) u Registar sljedeće podatke o imenovanim licima:

- a) ime i prezime,
- b) funkcija imenovanja,
- c) naziv institucije u koju je izvršeno imenovanje,
- d) sjedište institucije u koju je izvršeno imenovanje,
- e) datum početka obnašanja imenovane funkcije,
- f) datum kraja obnašanja imenovane funkcije,
- g) da li je predviđena naknada za obnašanje imenovane funkcije (Da/Ne),
- h) iznos naknade,
- i) vrsta naknade (jednokratna, mjesečna, tromjesečna, kvartalno, godišnja, po predmetu, kandidatu, učinku, sjednici i dr.),
- j) pravno lice u kojem je lice iz tačke a) ovog stava zaposleno,
- k) naziv radnog mjesta lica iz tačke a) ovog stava u pravnom licu u kojem je zaposleno,
- l) stručna sprema lica iz tačke a) ovog stava,
- m) status vlasništva pravnog lica u kojem je lice iz tačke a) ovog stava zaposleno,
- n) saglasnost rukovodioca u slučajevima predviđenim zakonom i drugim propisima,
- o) ukupan broj funkcija na koje je lice iz tačke a) ovog stava imenovano,
- p) da li postoji izjava da imenovano lice nije u sukobu interesa u instituciji u kojoj obnaša imenovanu funkciju, ako je obavezna u skladu sa zakonom i drugim propisima.

- (2) U slučaju da imenovano lice, po isteku perioda iz stava 1. tačka f) ovog člana nastavi obnašati funkciju, a o

tome ne bude donesena posebna odluka/rješenje koja bi podlijegala unosu podataka u Registar, institucija je dužna odmah, a najkasnije u roku od 7 dana od datuma kraja obnašanja funkcije u pisanoj formi obavijestiti Ministarstvo o navedenom.

**Član 6.
(Obaveza unosa podataka)**

- (1) Inicijalnu dostavu podataka Ministarstvu o svim već izvršenim imenovanjima, organi uprave i institucije iz člana 2. Odluke izvršit će na Obrascu koji će im dostaviti Ministarstvo, te iste podatke dostaviti Ministarstvu u roku od 10 dana od dana stupanja na snagu ove Odluke.
- (2) Institucije iz člana 2. ove Odluke dužne su u roku od 10 dana od dana izvršenog imenovanja dostaviti Ministarstvu podatke navedene u članu 5. stav (1) ove Odluke, a sve do uspostave neposrednog načina unosa.
- (3) Nakon uspostave neposrednog načina unosa podataka u Registar, ovlaštene osobe u Registar unose podatke o imenovanim licima u roku od 10 dana od dana izvršenog imenovanja.
- (4) Institucije iz člana 2. ove Odluke dostavljaju, na službeni e-mail Ministarstva, akte (rješenje, odluka ili drugi akt) kojim se dokazuje datum početka i kraja obnašanja imenovane funkcije, u roku od 10 dana od dana izvršenog imenovanja, a ukoliko imenovanje vrši drugi organ, u roku od 10 dana od dana dostavljanja akta o imenovanju instituciji.
- (5) Institucije iz člana 2. ove Odluke dostavljaju Ministarstvu akte iz člana 5. stav (1) tačke n) i p) na način i u rokovima iz stava (4) ovog člana.

**Član 7.
(Obim i mjera obrade)**

Podaci o imenovanim licima iz člana 5. ove Odluke mogu se obrađivati u obimu i mjeri koji je neophodan za ostvarenje svrhe iz člana 3. ove Odluke.

**Član 8.
(Vremenski period obrade)**

- (1) Podaci o imenovanim licima iz člana 5. stav (1) ove Odluke obrađuju se za vrijeme trajanja perioda imenovanja, odnosno godinu dana nakon isteka perioda imenovanja, razrješenja, odstupanja sa imenovane funkcije ili drugog načina prestanka obnašanja imenovane funkcije.
- (2) U slučaju da imenovano lice, bez donošenja posebne odluke/rješenja, ostane na imenovanoj funkciji nakon isteka perioda imenovanja, podaci će se obrađivati za period faktičkog obnašanja imenovane funkcije i godinu dana računajući od dana odstupanja sa imenovane funkcije.
- (3) Period obrade podataka može se mijenjati u slučaju da se promijene zakonski ili podzakonski propisi koji tretiraju predmetnu oblast.

**Član 9.
(Autentičnost i tačnost unesenih podataka)**

- (1) Za autentičnost i tačnost Ministarstvu dostavljenih, a, nakon uspostave neposrednog načina unosa, unesenih podataka o imenovanim licima, odgovorne su institucije iz člana 2. ove Odluke, u kojima je izvršeno imenovanje.
- (2) O pogrešno ili netačno dostavljenim

podacima za unos u Registar, institucije iz člana 2. ove Odluke dužne su obavijestiti Ministarstvo odmah, a najkasnije 7 dana po saznanju, te u istom roku ispravljene dostaviti Ministarstvu.

- (3) Nakon uspostave neposrednog načina unosa podataka u Registar, odgovornost za tačnost i istinitost podataka unesenih u Registar isključivo je na Institucijama iz člana 2. Odluke i licima ovlaštenim za unos podataka u Registar, imenovanim od strane institucija.

Član 10.
**(Izmjena, čuvanje
i korištenje podataka)**

- (1) Ministarstvo, uz podršku Tijela za sprečavanje i borbu protiv korupcije Vlade Bosansko-podrinjskog kantona Goražde, vrši obradu svih prikupljenih podataka koje dostave ili unesu institucije iz člana 2. Odluke, i javno objavljuje na web stranici informacionog sistema.
- (2) Svaka izmjena unesenih podataka može se vršiti na osnovu pismenog zahtjeva institucije iz člana 2. Odluke i Vlade Bosansko-podrinjskog kantona Goražde.
- (3) Podaci koji se u Registar unose na način predviđen u članu 4. stav (2) ove Odluke čuvaju se i štite u skladu sa posebnim propisima.

Član 11.
(Nadzor nad primjenom Odluke)

- (1) Odredbe ove Odluke obavezno se primjenjuju na sve institucije iz člana 2. Odluke.
- (2) Nadzor nad primjenom Odluke vrše

Ministarstvo i Vlada Bosansko-podrinjskog kantona Goražde direktno ili putem Tijela za sprečavanje i borbu protiv korupcije.

Član 12.
(Stupanje na snagu Odluke)

Ova Odluka stupa na snagu danom objavljivanja na službenoj oglasnoj tabli Kantona, a naknadn će se objaviti u „Službenim novinama Bosansko-podrinjskog kantona Goražde“.

Broj:03-34-1572/19
29.10.2019.godine
G o r a ž d e

P R E M I J E R
Aida Obuća, s.r.

745

Na osnovu članova 23. i 24. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj 08/15), Vlada Bosansko-podrinjskog kantona Goražde, na 23. redovnoj sjednici, održanoj dana 29.10.2019.g., **d o n o s i:**

O D L U K U
O REGISTRU ZAPOSLENIH U
JAVNOM SEKTORU NA PODRUČJU
BOSANSKO-PODRINJSKOG
KANTONA GORAŽDE

DIO PRVI - OPĆE ODREDBE

Član 1.
(Predmet regulisanja)

- (1) Ovom se Odlukom propisuje obaveza uspostavljanja Registra zaposlenih u organima uprave i službama, zavodima, agencijama, direkcijama i